



Broj: 0101- 1921-8 /16  
Sarajevo, 10. 05. 2016. godine

Na osnovu člana 70. stav (1), (4) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog konkurentskog zahtjeva za dostavljanje ponuda za javnu nabavku robe- Kompjuterska oprema – LOT 1 – Laptopi na preporuku Komisije za javnu nabavku broj: 0105-1921-5/16 od 06. 04. 2016. godine, rektor je d o n i o

**ODLUKA**  
**o poništenju postupka javne nabavke**

**Član 1.**

U skladu sa članom 69. stav (2) Zakona o javnim nabavkama BiH, poništava se postupak javne nabavke KOMPJUTERSKA OPREMA – LOT 1 – LAPTOPI, objavljenog dana 28.03.2016. godine na portalu javnih nabavki pod brojem 999-7-1-79-3-2/16, iz razloga što su cijene svih prihvatljivih ponuda znatno veće od osiguranih sredstava za predmetnu nabavku.

**Član 2.**

Ova Odluka će se objaviti na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

**Član 3.**

Ova odluka stupa na snagu danom donošenja.

**O b r a z l o ž e n j e**

Na osnovu Odluke o pokretanju postupka javne nabavke broj: 0101-1921/16 od 28. 03. 2016. godine, Univerzitet u Sarajevu je pokrenuo postupak konkurentskog zahtjeva za dostavljanje ponuda za javnu nabavku robe – Kompjuterska oprema za potrebe Univerziteta u Sarajevu.

Za provođenje postupka predmetne javne nabavke, Odlukom broj: 0101-1921-1/16 od 28. 03. 2015. godine, imenovana je Komisija za javnu nabavku u sastavu: - Almasa Tuhčić, predsjedavajući, Sarina Bakić, član, Arnela Okić, član, a za zamjenske članove su imenovani: Jasna Bošnjović, Dijana Smajlović i Azra Zvizdić.

Obavještenje o nabavci broj: 999-7-2-263-3-24/15 objavljeno je na Portalu javnih nabavki dana 28. 03. 2016. godine.

Komisija za javnu nabavku je dana 28. 03. 2016. godine uputila Konkurentski zahtjev za dostavljanje ponuda slijedećim ponuđačima:

1. Kamer Commerce d.o.o, Blažijski drum 14, 71000 Sarajevo
2. IMTEC d.o.o., Ojačna 114, 71000 Sarajevo
3. Xenon Forte d.o.o, Tvornička, 71000 Sarajevo

Na njihov zahtjev, tenderska dokumentacija dostavljena je i slijedećim ponuđačima: Copitrade d.o.o, Njegošova br.6, Bijeljina; Facit d.o.o., Merhemića trg br.4, Sarajevo; Kodeks d.o.o., Antuna Hangija br.17, Sarajevo; King d.o.o, Mišića 9, Doboj; Imtec d.o.o, Pijačna br.114, Sarajevo; R&S d.o.o, Igmanska b.b, Sarajevo; Printex d.o.o., Hasana Sušića 9 i 11, Sarajevo; PC Plus d.o.o, Valtera Perića 14, Sarajevo; ERC Zipo d.o.o, Ložionička 2, Sarajevo; Biro Kip d.o.o, Ada 28, Banja Luka; ALF-OM d.o.o., V.R. Putnika 38, I.Sarajevo; digITarija d.o.o, Zmaja od Bosne 14c; Sarajevo.

U periodu koji je ostavljen za dostavljanje ponuda, od strane ponuđača, upućena su 2 zahtjeva za pojašnjenje tenderske dokumentacije.

Jedan od ponuđača postavio je pitanje: "Da li je za ugovorni organ prihvatljivo da frekvencija na kojoj procesor radi bude u turbo modu minimum 2.40 GHz ili je to bazna frkvencija koju procesor mora da ispuni?"

Ugovorni organ je dostavio svim potencijalnim ponuđačima koji su preuzeli tendersku dokumentaciju slijedeće pojašnjenje: Za ugovorni organ prihvatljivo je da frekvencija na kojoj procesor radi bude u turbo modu od 2,40 GHz, min i5-4000M.

Drugi ponuđač uputio je sljedeće pitanje: „Da li se uz ponudu LOT 1 mora dostaviti Certifikat o porijeklu opreme ili se taj Certifikat dostavlja naknadno, tj. ako ponuđač bude izabran kao najpovoljniji?“

Komisija za nabavku, je nakon uvida u tendersku dokumentacija dostavila sljedeće pojašnjenje:

**PRODAVAC ĆE PRILIKOM ISPORUKE OPREME PRUŽITI DOKAZ – „CERTIFIKAT O PORIJEKLU OPREME“ KOJIM SE POTVRĐUJE DA JE OPREMA PROIZVEDENA ILI SKLOPLJENA U ZEMLJAMA EVROPSKE UNIJE, NORVEŠKOJ, LIHTENŠTAJNU, ISLANDU, TURSKOJ ILI ZEMLJAMA ZAPADNOG BALKANA (SRBIJA, CRNA GORA, BOSNA I HERCEGOVINA I MAKEDONIJA)**

Prodavac je saglasan da će Ugovorni organ odbiti prijem opreme za koju prodavac prilikom isporuke ne pruži dokaz – „Certifikat o porijeklu opreme“ kojim se potvrđuje da je oprema proizvedena ili sklopljena u zemljama Evropske Unije, Norveškoj, Lihtenštajnu, Islandu, Turskoj ili zemljama Zapadnog Balkana (Srbija, Crna Gora, Bosna i Hercegovina i Makedonija), te da će Ugovorni organ jednostrano raskinuti Ugovor, ukoliko nisu ispunjeni navedeni uslovi.

Komisija na osnovu navedenog dostavlja naknadno pojašnjenje: Certifikat o porijeklu opreme potrebno je dostaviti prilikom isporuke robe, te uz ponudu nije potrebno dostavljati bilo koji dokaz o porijeklu opreme.

Iz Zapisnika Komisije za javnu nabavku je vidljivo da je dana 06. 04. 2016. godine u 10,15 sati Komisija za javnu nabavku izvršila javno otvaranje blagovremeno prispjelih ponuda ponuđača R&S d.o.o, Igmanska bb, 71320 Vogošća i Printex d.o.o, Hasana Sušića 9 i 11, 71000 Sarajevo, te da na javnom otvaranju ponuda nije bilo prisutnih predstavnika ponuđača. Zapisnik sa otvaranja ponuda je isti dan poslat poštom ovim ponuđačima.

Iz Zapisnika Komisije za javnu nabavku je vidljivo da se Komisija sastala dana 06. 04. 2016. godine, radi pregleda i ocjene ponuda, odnosno da bi utvrdila da li su ponuđači ispunili uslove iz člana 45. do 50. Zakona o javnim nabavkama koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije i da li su kvalifikovani za isporuku predmetnih roba.

Komisija za javnu nabavku je utvrdila da **nema ponuđača koji se isključuju** zbog neispunjavanja uslova za kvalifikaciju, odnosno da ponuda nijednog ponuđača ne odbija na osnovu rezultata pregleda i ocjene ponuda.

Nakon izvršene računске kontrole ponuda, Komisija je utvrdila da u ponudama ponuđača nije bilo računskih grešaka, odnosno da su ponude ponuđača računski tačne.

Komisija za javnu nabavku je sačinila rangiranje prihvatljivih ponuda prema kriterijumu najniža cijena:

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	R&S d.o.o, Igmanska bb, 71000 Sarajevo	0,00 KM	7.875,00 KM bez PDV-a 0,00 popust PDV=0,00 KM 7.875,00 KM sa PDV-om
2.	Printex d.o.o., Hasana Sušića 9 i 11, 71000 Sarajevo	0,00 KM	7.945,00 KM bez PDV-a 0,00 popust PDV=0,00 KM 7.945,00 KM sa PDV-om

Obzirom da je procijenjena vrijednost nabavke za Lot 1 – Laptopi procijenjena na 5.750,00 KM, te da su cijene prihvatljivih ponuda znatno veće od osiguranih sredstava za predmetnu nabavku, Komisija za javnu nabavku je predložila rektoru da donese odluku o poništenju postupka nabavke za postupak javne nabavke Kompjuterska oprema - Lot 1 – Laptopi.

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćena je preporuka Komisije za javnu nabavku i odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od pet (5) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.**

**Rektor**

**Prof. dr. Muharem Avdispahić dr. h. c.**



**Dostaviti:**

1. R&S d.o.o, Igmanska bb, 71000 Sarajevo
2. Printex d.o.o, Hasana Sušića 9 i 11, 71000 Sarajevo
3. u dosije javnih nabavki
4. web stranica unsa.ba
5. a/a

**Prilog:** Zapisnik o pregledu i ocjeni ponuda